



Broj: 03/1-50-14-7-10-3/15
Sarajevo, 13.10.2015.

Predmet: Informacija o učešću članova Zajedničke komisije za odbranu i sigurnost BiH u radu seminara u organizaciji PSNATO-a, Brisel, Belgija, 21. - 24.9.2015.

Članovi Zajedničke komisije za odbranu i sigurnost BiH su od 21. do 24. septembra 2015. godine učestvovali u radu prilagođenog seminara o ulozi i aktivnostima Parlamentarne skupštine NATO-a, NATO-a i Evropskog parlamenta tokom kojeg se razgovaralo o brojnim pitanjima značajnim za proces evropskih i evroatlantskih integracija BiH.

U radu prilagođenog seminara učestvovali su Sifet Podžić - predsjedavajući, Borislav Bojić - zamjenik predsjedavajućeg, Bariša Čolak, Hanka Vajzović, Mario Karamatić, Hazim Rančić, Ognjen Tadić i Darko Babalj - članovi Zajedničke komisije za odbranu i sigurnost BiH, kao i parlamentarni vojni povjerenik BiH Boško Šiljegović.

Radni susreti u Međunarodnom sekretarijatu Parlamentarne skupštine NATO-a, uz čiju se organizaciju i podršku održao ovaj seminar, iskorišteni su za razgovor sa zamjenicom generalnog sekretara za politike Međunarodnog sekretarijata Parlamentarne skupštine NATO-a Ruxandrom Popa i s direktorima komiteta Parlamentarne skupštine NATO-a o načinima snažnijeg djelovanja PSBiH, s ciljem bržeg ispunjavanja evroatlantske agende.

Prvi radni dan seminara iskorišten je i za posjetu Evropskom parlamentu gdje su članovi Zajedničke komisije za odbranu i sigurnost razgovarali s članom Evropskog parlamenta i izvjestiocem za BiH Cristianom Dan Predom o usaglašenoj evropskoj agendi i ispunjavanju obaveza kojima bi naša država ispunila uslove za podnošenje kredibilne aplikacije za status kandidata za ulazak u Evropsku uniju.

Drugi radni dan seminara u Briselu bio je posvećen razmjeni mišljenja sa zvaničnicima i ekspertima NATO-a, neposredno angažiranim u procesu saradnje s institucijama BiH o statusu i obavezama naše zemlje na putu ka članstvu u NATO, kao i o programima koje zajedno realiziraju. U vezi s tim, bilo je riječi o realizaciji Akcionog plana za članstvo u

NATO (MAP), o politikama proširenja i „otvorenih vrata“, kao i o strukturi i operacijama NATO-a. Također se razgovaralo i o aktuelnim problemima migracija, te o pomoći civilnom stanovništvu u vanrednim situacijama.

Predsjedavajući Zajedničke komisije

Sifet Podžić